

## 1.1 Konsep Kedaulatan

Definisi **kedaulatan** ialah kekuasaan tertinggi dan kewibawaan sesebuah negara yang bebas serta mempunyai hak untuk melaksanakan pemerintahan dan pentadbiran negara.



### Takrif Kedaulatan

Bahasa Yunani	<ul style="list-style-type: none"><li>- Kedaulatan ialah <i>supernuus</i> atau <i>superanus</i> yang bermaksud agung atau tertinggi.</li><li>- Perkataan ini merujuk negara yang bebas dan merdeka.</li></ul>
Bahasa Inggeris	<ul style="list-style-type: none"><li>- Kedaulatan ialah <i>sovereignty</i> yang bermaksud negara mempunyai kuasa penuh terhadap pemerintahan.</li></ul>
Bahasa Arab	<ul style="list-style-type: none"><li>- Perkataan 'kedaulatan' berasal daripada <i>daulah</i> yang bermaksud kuasa pemerintahan sesebuah kerajaan/</li></ul>
Bahasa Melayu	<ul style="list-style-type: none"><li>- Kedaulatan merujuk kepada perkataan <i>daulat</i> yang bermaksud kekuasaan tertinggi terhadap pemerintahan negara.</li></ul>



### Informasi

Tamadun Yunani = Tamadun Greek.  
Greek merupakan salah satu wilayah Greece pada masa ini.


## ★ Pandangan Tokoh terhadap 'Kedaulatan'

Aristotle	<ul style="list-style-type: none"><li>- Merupakan kuasa tertinggi dalam sistem pemerintahan sesebuah negara.</li><li>- Merujuk kerajaan yang terikat oleh undang-undang.</li></ul>
Ibnu Khaldun	<ul style="list-style-type: none"><li>- Merupakan kekuatan dan kekuasaan sesebuah negara berasaskan semangat kekitaan bangsanya.</li><li>- Kekuatan semangat kekitaan yang diiringi dengan kekuatan semangat beragama menyebabkan sesuatu bangsa rela untuk berkorban demi mencapai cita-cita yang sama.</li></ul>
Jean Bodin	<ul style="list-style-type: none"><li>- Merupakan kuasa tertinggi dalam sesebuah negara.</li><li>- Mempunyai sifat kekal dan mempunyai kuasa tidak terbatas untuk membuat undang-undang, mentafsir dan melaksanakannya.</li></ul>
Tunku Abdul Rahman Putra al-Haj	<ul style="list-style-type: none"><li>- Dibina berdasarkan prinsip kebebasan dan keadilan yang sentiasa memperjuangkan kebajikan dan kesejahteraan rakyat.</li></ul>
Tun Dr. Mohamed Salleh Abas	<ul style="list-style-type: none"><li>- Merupakan asas negara merdeka, memiliki kebebasan pada peringkat antarabangsa bersama dengan hak dan kuasa untuk mengatur urusan dalam negeri tanpa telunjuk asing.</li></ul>



# ★ Jenis Kedaulatan

Kedaulatan Tradisional	<ul style="list-style-type: none"> <li>- Merujuk sistem pemerintahan berkuasa mutlak yang menguasai sepenuhnya segala urusan negara.</li> <li>- Kedaulatan Raja-raja Melayu               <ul style="list-style-type: none"> <li>- Kedaulatan terletak pada kekuasaan dan kewibawaan raja.</li> <li>- Raja berkuasa tertinggi.</li> <li>- Kedudukan raja diperkukuh oleh taat setia rakyat.</li> </ul> </li> </ul>
Kedaulatan Moden	<ul style="list-style-type: none"> <li>- Dikaitkan dengan idea kemunculan negara bangsa selepas Revolusi Keagungan di England dan Revolusi Perancis.</li> <li>- Dikaitkan dengan hak rakyat dan kerajaan berperlembagaan.</li> <li>- Selepas Perang Dunia Pertama, kedaulatan dikaitkan dengan nasionalisme yang menggunakan unsur persamaan rumpun bangsa dan bahasa untuk membentuk negara bangsa.</li> <li>- Negara kita:               <ul style="list-style-type: none"> <li>- Persekutuan Tanah Melayu 1957 + Persekutuan Malaysia 1963 = Negara bangsa</li> </ul> </li> </ul>
Kedaulatan Undang-undang	<ul style="list-style-type: none"> <li>- Bermaksud kerajaan dan rakyat terikat oleh undang-undang yang perlu dipatuhi.</li> <li>- Menjamin keadilan dalam kehidupan bermasyarakat serta menjadikan negara aman, stabil dan makmur.</li> <li>- Badan kehakiman               <ul style="list-style-type: none"> <li>- Memelihara dan melaksanakan kedaulatan undang-undang.</li> </ul> </li> </ul>

Kedaulatan Antarabangsa	<ul style="list-style-type: none"> <li>- Merujuk pengiktirafan Pertubuhan Bangsa-Bangsa Bersatu (PBB) terhadap sesebuah negara yang tidak boleh dicabuli oleh negara lain.</li> <li>- Deklarasi Hubungan Persahabatan PBB 1970.</li> </ul> <div data-bbox="419 1570 1038 2047">  </div> <div data-bbox="1058 1809 1377 2047"> <p>Dr. Ismail Abdul Rahman (kiri), Ismail Ali dan Tunku Ja'afar sedang mendengar ucapan pembukaan di Perhimpunan Agung PBB ke-12, sewaktu Persekutuan Tanah Melayu diterima sebagai anggota ke-82 badan dunia itu pada 17 September 1957. Sumber: Arkib Negara Malaysia.</p> </div>
-------------------------	---

## 1.2 Ciri Negara yang Berdaulat

### Ciri-ciri Negara yang Berdaulat

#### Mempunyai Pemerintahan

- Diwujudkan untuk menjaga kestabilan politik, keamanan, pertahanan dan ekonomi.
- Malaysia mengamalkan sistem Raja Berperlembagaan dan Demokrasi Berparlimen.
- Ketua Utama Negara: Yang di-Pertuan Agong
- Ketua Kerajaan: Perdana Menteri (dibantu oleh Jemaah Menteri)

#### Mempunyai Sempadan

- Sempadan: Garis pemisah antara negeri atau negara.
- Malaysia berkongsi sempadan darat, air dan udara dengan negara jiran (Singapura, Thailand, Indonesia, Brunei dan Filipina)

#### Mempunyai Perundangan

- Asas kepada peraturan negara.
- Berpanduan Perlembagaan Persekutuan.
- Parlimen bertanggungjawab menggubal dan menentukan sistem perundangan negara kita.

#### Mempunyai Rakyat

- Rakyat ialah penduduk di sebuah negara.
- Rakyat terikat dengan undang-undang.
- Terdiri daripada pelbagai kaum, agama dan adat resam.

### 💡 Informasi

#### Raja Berperlembagaan

Maksud: Pemerintahan beraja mengikut peruntukan Perlembagaan Persekutuan.

3 Institusi Beraja dalam Perlembagaan Persekutuan:

- Yang di-Pertuan Agong (Persekutuan)
- Institusi Beraja (Negeri)
- Majlis Raja-Raja

#### Demokrasi Berparlimen

Bermaksud: Demokrasi yang dijalankan secara perwakilan melalui proses pilihan raya.



# 1.3 Kepentingan Mewujudkan Negara Berdaulat

## Kepentingan Mewujudkan Negara Berdaulat

### Keberkesanan Pentadbiran

- Kedaulatan memberikan kebebasan kepada negara untuk menjalankan urusan pentadbiran tanpa campur tangan pihak luar.
- Dilaksanakan melalui Jemaah Menteri dan kementerian berkaitan.
- Kerjasama Kerajaan Persekutuan dan Kerajaan Negeri.

### Kemakmuran Ekonomi

- Kedaulatan penting untuk negara melaksanakan dasar kemakmuran ekonomi.
- Pembangunan ekonomi meliputi bidang pertanian perindustrian dan perdagangan yang diperkenalkan.

### Kesejahteraan Sosial

- Negara dapat melahirkan generasi yang berilmu dan berkemahiran melalui pendidikan.
- Perkara berkaitan dengan bahasa kebangsaan, kebudayaan, sukan dan Rukun Negara diperkenalkan untuk memupuk perasaan muhibah dan perpaduan.

### Kecemerlangan Hubungan Luar Negara

- Menjalin hubungan diplomatik dan persahabatan dengan negara lain.
- Mengadakan perjanjian dan kerjasama dalam pelbagai bidang.
- Dapat menikmati pelbagai faedah dan kelebihan.
- Meningkatkan imej negara



Tun Abdul Razak Hussein (depan) Perdana Menteri Malaysia kedua melawat kawasan luar bandar bagi memantau pelaksanaan program pertanian.

Sumber: Arkib Negara Malaysia



Pasukan bola sepak kebangsaan yang berjaya melayakkan diri ke Sukan Olimpik 1972. Pasukan ini diwakili oleh pemain berbilang kaum.

Sumber: Arkib Negara Malaysia



Tun Hussein Onn, Perdana Menteri Malaysia ketiga (kanan) bertemu dengan Anwar Sadat, Presiden Mesir (kiri) di Mesir pada tahun 1977 untuk mengukuhkan hubungan diplomatik antara Malaysia dengan Mesir.

Sumber: Universiti Tun Hussein Onn, 2009. *Tun Hussein Onn: Permata Menara Gadong*. Batu Pahat: Penerbit UTHM.

## 1.4 Langkah Mempertahankan Kedaulatan

Langkah	Huraian	
Mewujudkan Kestabilan Politik dan Kemakmuran Ekonomi	<p><b>Pemerintah</b></p> <ul style="list-style-type: none"> <li>- Mewujudkan pentadbiran yang cekap.</li> <li>- Mengelakkan amalan rasuah dalam pentadbiran.</li> <li>- Memastikan agihan sumber kekayaan negara secara adil kepada semua kaum melalui dasar pembangunan ekonomi.</li> <li>- Melaksanakan undang-undang negara menurut perlembagaan secara berkesan.</li> </ul>	<p><b>Rakyat</b></p> <ul style="list-style-type: none"> <li>- Memberikan kesetiaan kepada raja dan negara.</li> <li>- Menyokong segala usaha dan dasar kerajaan bagi mewujudkan kestabilan politik.</li> <li>- Memupuk kerjasama dengan semua kaum.</li> <li>- Mematuhi undang-undang negara.</li> </ul>
Mengekalkan Perpaduan Kaum	<p><b>Pemerintah</b></p> <ul style="list-style-type: none"> <li>- Menggubal dasar dan undang-undang berkaitan dengan perpaduan kaum serta integrasi nasional.</li> <li>- Memastikan keberkesanan pelaksanaan dasar berkaitan dengan bahasa, pendidikan dan kebudayaan oleh kementerian serta agensi berkaitan.</li> <li>- Merangka program &amp; kempen untuk memupuk perpaduan kaum dan integrasi nasional.</li> <li>- Memperuntukan perbelanjaan yang mencukupi untuk program memupuk perpaduan kaum.</li> </ul>	<p><b>Rakyat</b></p> <ul style="list-style-type: none"> <li>- Menggunakan bahasa kebangsaan dan menghayati prinsip Rukun Negara.</li> <li>- Memahami dan menghormati agama serta budaya pelbagai kaum.</li> <li>- Mengamalkan semangat perkongsian, bertoleransi dan saling menghormati sesama rakyat Malaysia.</li> <li>- Melibatkan diri dalam program kemasyarakatan yang dapat memupuk kerjasama antara kaum.</li> </ul>



<p>Memupuk Patriotisme</p>	<p><b>Pemerintah</b></p> <ul style="list-style-type: none"> <li>- Menganjurkan sambutan Hari Kebangsaan dan Hari Pahlawan untuk menimbulkan kecintaan terhadap negara.</li> <li>- Mewajibkan mata pelajaran Sejarah sebagai mata pelajaran teras di sekolah.</li> <li>- Menganjurkan kempen dan menerbitkan filem/ rencana untuk memupuk patriotisme melalui pelbagai media.</li> <li>- Memberikan pengiktirafan kepada rakyat Malaysia yang berjasa kepada negara dengan mengabadikan nama mereka pada bangunan dan jalan.</li> </ul>	<p><b>Rakyat</b></p> <ul style="list-style-type: none"> <li>- Menghormati lambang negara (bendera Jalur Gemilang, Jata Negara dan lagu Negaraku).</li> <li>- Menyanjungi dan menghargai adat dan warisan negara.</li> <li>- Meningkatkan imej negara dengan melakar kejayaan dalam bidang pendidikan, sukan dan ekonomi.</li> <li>- Menghargai tokoh pelbagai kaum yang berjuang untuk kemerdekaan dan kedaulatan negara.</li> </ul>
<p>Mengukuhkan Pertahanan Negara</p>	<p><b>Pemerintah</b></p> <ul style="list-style-type: none"> <li>- Menggubal dasar dan undang-undang untuk melindungi keselamatan negara.</li> <li>- Mengadakan perjanjian pertahanan serta latihan ketenteraan bersama-sama negara serantau dan antarabangsa.</li> <li>- Memodenkan aset ketenteraan untuk mengukuhkan pasukan pertahanan negara.</li> <li>- Memastikan pasukan keselamatan sentiasa bersiap untuk menghadapi cabaran semasa.</li> </ul>	<p><b>Rakyat</b></p> <ul style="list-style-type: none"> <li>- Peka terhadap isu keselamatan negara, Contohnya, memberikan maklumat tentang pencerobohan sempadan negara.</li> <li>- Mengelakkan kolaborasi dengan pihak luar yang boleh mengancam keselamatan dan kedaulatan negara.</li> <li>- Menganggotai pasukan keselamatan dan pasukan sukarelawan.</li> <li>- Sanggup berkorban demi mempertahankan kedaulatan negara.</li> </ul>

TAMAT BAB 1